

餘姚縣誌
(光緒)
六

餘姚縣志卷二十三

列傳十三

明

沈應欽號靈臺堯孚孫與弟應文同學築室半霖專力古文辭應文官南部曹應欽就省之因縱遊栖霞牛首諸山見者服其博洽迨歸郡守請見歎曰吾浮雲富貴久矣乃僕僕迎送謝去之遂終身不入城市

康熙府志

沈應文字徵甫號雷門應欽弟也隆慶二年進上授池州推官有徽商被殺無主名應文行部青陽鴉數百繞輿飛噪應文曰此間有逆旅乎牽其人詰之果得殺商者累移江西副使沿江多盜應文設梭船二千領以卒伍復嚴保

余化系示

卷二十三列傳十三

明

一

甲法聽民自爲部署歲終課其勤惰盜爲衰止擢順天府
尹稽省諸司冗費禁狹邪平冤獄治曹掾之橫於鄉者輦
轂以清轉南大理寺卿誠意伯劉世延多行不法應文與
尙書謝杰擬罪錮之原籍遷南工部侍郎錦衣馬尙仁言
濱江蘆田十萬餘頃可立皇莊應文執奏蘆洲遷徙不常
高帝僅供葦束以充燒造正統始徵銀課嘉靖課二萬七
千今增四萬五千民困已極豈堪變法不報丁艱起補刑
部侍郎御史曹學程諫日本封事繫獄十年應文疏請得
改戊戌寧知縣滿朝薦忤稅奄梁永被逮應文疏救之萬
厯三十五年陞本部尙書予告歸起南吏部尙書掌京察
尋告病天啟七年卒贈太子太保諡莊敏子景初萬厯四

十一年進士官吏部員外郎景夔貴州安順府知府景怡

崇禎十二年舉人孫振嗣 國朝順治十五年進士選庶

吉士

續獻徵錄參
三祠傳輯

諸大倫號白川隆慶五年進士由兵科給事中謫知東鄉

廉能仁愛民苦虛糧爲累大倫力請丈量田畝旣平隱占

悉清修鬻舍建義學興廢舉墜民立祠祀之

乾隆志引
西江志

孫鑛字文融

陞幼子

萬曆二年會試第一當入翰林爲張居

正所阻授兵部主事歷吏部考功文選郎中佐尙書嚴清

楊巍澄清銓法名藉甚十九年以左僉都御史同吏部尙

書陸光祖主外察明年鑛兄鑰代光祖鑛引避出巡撫山

東二十一年進刑部右侍郎明年改兵部九月代顧養謙

總督遼薊軍務兼經略朝鮮巡撫李化龍總兵董一元破賊於鎮武鑛以功加右都御史初封貢議起欲取道寧波而浙人素苦倭鑛及沈一貫排之尤力比鑛經略則封議已定要以撤兵而不許貢市然倭志在貢市不在封也尙書石星信沈惟敬言遽遣冊使李宗城楊方亨使倭鑛不得已先遣麾下葉靖國持檄諭行長行長辭疾不見踰二日始見殊無撤兵意亦無不求貢市之說靖國還報鑛乃疏言倭情多詐且聞山城君尙在有文祿三年歷可證關白當如禮臣議改封順化王責關白之子或行長親持誓表詣遼然後命宗城往使而罷遣惟敬仍增募水陸諸軍嚴爲之備夫禦敵之策以戰守而兼羈縻則可以羈縻而

忘戰守則不可今封使一至倭卽引退固善不退當卽進
勦若待奏請恐失事機又聞關白嘗欲召行長還而清正
素不服關白與行長復不相能則以計招之亦一策也疏
入星抗章辨且言鑛不宜遣人入倭阻壞封事鑛乃作封
貢議以諷星益恚已封事大壞星出方亨私書言清正之
來鑛實召之方亨不承給事中徐成楚御史陳遇文劾星
爲行長所賣不自悔罪遂坐免二十六年倭以國內大亂
遁歸邢玠推功及鑛得賜幣三十二年十月起南京右都
御史就進兵部尙書加太子少保參贊機務是時政事廢
弛公私凋耗南京營兵十二萬七千少至三萬六千而帝
黷貨無厭採權橫出民皆愁怨三十四年冬河南劉天緒

以白蓮教惑眾聚至千餘人自號龍華帝主其黨張名僞稱將軍期冬至作亂事覺掩捕得數十人鑛以留都昇平日久民不知兵眾思乘隙請用重典帝以爲然於是南中訛言相煽明年正月有詔徭從罔治而尙書蕭大亨欲盡除之其黨懼復謀作亂鑛令職方郎中劉宇捕之邏卒四出民大驚擾南京吏部尙書曾同亨歎曰孫公之禍始於此矣於是兩京給事中金士衡曹于汴宋一韓御史孫居相等先後論鑛亂殺無辜貪功生事鑛具陳定亂之由及奸宄不法狀且言留都十年九牧動多掣肘每一事出相顧持疑所以奸雄鼓掌狂逆攘臂宜分定職事帝手鑛疏傳諭內閣將重罪言者內閣力戒之乃止鑛三疏求去三

十七年致仕鑛歸後妖黨轉相部署枝蔓州縣後十餘年
紀法益亡邪謀遂熾所在煽動人始服鑛先識鑛既歸布
衣疏食恬然自得嘗欲輯五車一笈謂易詩書可云三墳
周禮禮記春秋三傳可云五典儀禮管老列莊國語國策
楚騷可云八索荀韓呂淮南太玄史漢文選可云九邱歷
官自主事迄南大司馬爛然有聲而虛懷自下以孟秋雷
士貞爲直友唐鶴徵趙南星爲諒友余寅周宏禴爲多聞
友接引後學無町畦人稱月峯先生年七十卒乾隆志引
萬斯同明
史橐 案明史鑛無專傳僅於孫燧傳附見之孫鑞傳則
云鑛自有傳未免疏舛攷王鴻緒明史橐鑛附石星傳事
蹟較詳明史既不爲星
立傳遂并鑛而遺之耳

徐震萬曆五年進士授增城知縣其俗輕生睚眦之忿輒

自殺相誣震巖反坐之條錄過枉死姓名揭之門闕遂相
戒不犯姦民以訟衣食者震書其面爲訟師徇於道使言
曰無或如某起滅訟情爲明府羞訟亦衰止卒於官民皆
爲出涕

康熙志

邵夢弼字傳野蕃曾孫萬厯八年進士授高郵知州河淮
合流自孟城抵興化成巨浸夢弼陳狀制府請築隄以救
之半發官帑半取之有田之家數月築長隄七十里田出
水中者二十萬畝人名爲邵父隄奄人過境豪橫夢弼拾
其長隨罪狀上之制府參題名捕奄舟泊河下圍而索之
奄人哀求斂手去入爲刑部員外郎中陞福建僉事備兵
漳南有告謀叛者府縣請發兵夢弼以一尉往無實尋大

計罷康熙

志

胡旦字穉明號鏡陽東皋第九子母陳娠時夢空中降一
巨丁東皋沒三月旦生敦敏力學就試輒高等登萬厯八
年進士初任江西宜興縣振饑民開藥局築隄岸濬城隍
理冤獄振士風甫八月庶務畢舉值邑災代民請緩征忤
上游意被劾左遷應天教授量移南雍博士再轉南營繕
郎以母老乞歸母沒起刑部郎尋出知岳州時方討播荆
蜀閒兵供巨萬又三殿災中貴銜命四出徵材岳疲瘠民
不堪命旦百計調護民賴以蘇移守永州擢四川川東道
命下卒旦少隨兄翌學及居官恬退自矢一以父兄爲法

能世其清白

分省人物考參詳
山志胡時麟撰傳

李槃字用甫貴昌六世孫性絕警敏通六經子史百家之言成萬曆八年進士授湖廣推官有中官驕橫郡守倅皆卑奉之槃獨與抗禮中官敬憚焉治獄多平反以忤直指使者引疾歸與張元忬講學於紫陽陽明二書院父喪服除赴京補官上書數千言切中時弊執政忌之謫孟縣典史遷知鎮原縣韓藩有積逋數千追呼擾民槃爲請悉蠲之又通風角占候之術巡撫閱武風折大燾槃曰必有下戕上者亟請申嚴城守未幾劉弁殺帥叛鎮以有備無恐內艱歸薦不復起家無餘資宗族有匱乏必多方助之雖田夫牧豎無不知其賢者著有學正堂集等若干種

康熙府志

子安世自有傳

史記勳字稽叔號忠嶼八世祖孟通明初舉耆儒官乾州同知曾祖鵠廣信同知父銓全椒知縣季父鈞隆慶五年進士官編修萬曆八年冊封楚藩事竣中途請告聞張居正奪情草疏將上同官力阻乃止杜門埽軌無一書至政府記勳早慧從鈞遊業頓進登萬曆十一年進士授南刑部主事歷郎中遷湖廣德安知府景藩在故承天有采地數萬頃德安居半藩絕悉歸州縣及是上母弟潞藩請得之中貴挾勢將踰額肆攘且重索歷年官已徵租士民惶懼荆西道奉檄下記勳覆之記勳按籍履畝銖粒無益藩使誑之不爲動卒如初籍仍止與見租事遂定郡千戶將席條鞭法漁于士伍記勳版正其數請之憲司斥千戶賦

法如故丁父艱服闋補四川重慶宿奸斂迹未兩月完積案八十餘事巨室子某父卒繼母逐之記勳召其諸弟諭以禮法平其產母子迄和時播州宣慰楊應龍與黔中七姓夷爲讎大吏失於措置應龍益驕漸懷不軌記勳得其情堅主勦樞臣方厭兵慮其梗移知彰德後五年事大決裂應龍自殺人乃服記勳卓識在彰德歲歉請蠲賦萬金易折漕粟數萬石發贖緩糴粟食餓者境內饑而不害

係鑛

撰墓誌銘參
三祠傳輯

楊文煥鄉榜名文元字太素聞人誼女孫夫也研精三禮述詮宗旨聞楊繼盛忤權相死東市慷慨發憤潛草諫章欲爲代訴萬曆十一年成進士授中書舍人冊封趙藩屏

絕餽遺擢刑科給事中時戚黨憑權文煥抗疏得俞旨諸
奸斂迹鄒元標孫如法劉志選以建言落職文煥力爲申
救有以宿憾中之者遂謫廣東潮陽典史東粵士飢鼓譟
當事議用勦文煥親詣諭定之未幾以疾歸文煥工眞草
書初習楊珂家法佐以適勁風骨絕殊著握機略一編八
卷未就卒年七十九明年天啟新詔追錄直臣贈光祿寺
少卿子培萬曆三十一年舉人官錢塘教諭

康熙志參
三祠傳輯

姜鏡字永明子羔子萬曆十一年進士授禮部主事進員
外郎哮拜據寧夏圍之三月不克寧夏城環湖廷議決湖
灌城鏡上疏曰城中百萬戶不盡賊也而使一朝盡爲魚
鼈乎今哮拜與許朝劉東陽三叛鼎立必不相下若遣權

譎之士入城招降乘機構會離其腹心使自相疑貳然後重兵臨之三叛之俘當獻闕下神宗違其言既而三叛就殲卒如其策萬厯二十年皇儲未建鄭貴妃與司禮監田義蓄異謀鏡上書劾奏義大怒條旨杖午門外神宗以其言直改命革職卒於家光宗追直諫功特贈光祿卿鏡曾祖榮以劾逆瑾貶父子羔以忤嚴嵩罷子逢元以修三朝要典忤魏璫見屏世以直節聞鏡尤卓卓云

乾隆通志子效乾

逢元一洪道元自有傳

陸鎮默字淡源萬厯十一年進士知汝州以廉惠稱累陞刑部郎恤刑山左題豁冤罪一百四十三人後其子孫過姚多泣拜而去祀汝州名宦

康熙志

胡時麟字靈昭號之罟萬曆十一年進士選庶吉士其議

王守仁從祀曰世以傳文成之學者稍沒於功利夫孔子之學三傳而爲莊周世不以孔子之學爲莊周而乃以王氏之學爲功利何哉改給事中以抗直忤權貴出爲江西僉事興利剔弊上下凜然丁父憂服闋補雲南僉事分巡金滄道薙毒草以驅瘴癘滇人德之滇有三宣六慰部落各別乃考其山川險夷稽其風俗作西南夷志備經略焉

中蜚語罷歸著有卷阿集

乾隆志叢談參許山志胡譜

孫如法字世行隴子萬曆十一年進士授刑部主事時鄭妃專寵生子卽欲封皇貴妃閣臣請立太子封皇長子母王恭妃皆不許給事中姜應麟沈璟皆以言冊立謫官如

明 八